



Na osnovu člana 7. stav (2) Zakona o budžetima u Federaciji Bosne i Hercegovine („Službene novine Federacije BiH“, br. 102/13, 09/14, 13/14, 08/15, 91/15, 102/15, 104/16, 5/18, 11/19, 99/19, 25a/22 i 7/25), člana 13. Zakona o principima lokalne samouprave u Federaciji BiH („Službene novine Federacije BiH“, br. 49/06 i 51/09) i člana 19. tačka 3. Statuta Općine Novo Sarajevo („Službene novine Kantona Sarajevo“, br. 5/20-prečišćeni tekst i 20/20-ispravka), Općinsko vijeće Novo Sarajevo na 7. redovnoj sjednici održanoj dana 31.07.2025. godine, donijelo je

ODLUKU

o izmjenama i dopunama Odluke o izvršavanju Budžeta Općine Novo Sarajevo za 2025. godinu

Član 1.

(Izmjena člana 14.)

- (1) U članu 14. stav (1) Odluke o izvršavanju Budžeta Općine Novo Sarajevo za 2025. godinu ("Službene novine Kantona Sarajevo", broj 6/25) briše se tačka d).
- (2) Dosadašnje tačke e), f), g) i h) postaju tačke d), e), f) i g).

Član 2.

(Izmjena i dopuna člana 16.)

- (1) U članu 16. stav (1) tačka h) mijenja se i glasi:
„h) **Transfer JU Biblioteke Sarajeva** - Sredstva će se realizovati na osnovu Zaključka Općinske načelnice o prihvatanju predloženog projekta, ugovora/sporazuma o realizaciji, putem nadležne Službe.“
- (2) U stavu (1), iza tačke m), dodaju se nove tačke n) i o) koje glase:
„n) **Transfer fakultetima Univerziteta u Sarajevu po sporazumu za oblasti obrazovanja, kulture i sporta** - Sredstva će se realizovati putem javnog poziva kojim će se definisati konkretna oblast od značaja u aktuelnoj budžetskoj godini, te prijedloga Komisije, Zaključka Općinske načelnice i ugovora/sporazuma o realizaciji, putem nadležne Službe.“
o) **Transfer za Policijsku upravu Novo Sarajevo** – Sredstva će se realizovati na osnovu potpisanog ugovora/sporazuma o realizaciji, putem nadležne Službe.“
- (3) U stavu (2) tačka x) mijenja se i glasi:

„x) **Transfer dobitnicima najvećih priznanja/nagrada na domaćim i međunarodnim takmičenjima** – Sredstva će se realizovati na osnovu Pravilnika donesenog od strane Općinske načelnice, javnog poziva, prijedloga Komisije i Zaključka Općinske načelnice.“

(4) U stavu (3) iza tačke dd), dodaju se nove tačke ee), ff), gg) koje glase:

„ee) **Transfer sredstava za finansiranje udruženja od posebnog javnog interesa i društvenog značaja za podršku djeci i odraslim osobama sa poteškoćama u razvoju** - Sredstva će se realizovati na osnovu Pravilnika donesenog od strane Općinske načelnice, putem javnog poziva, prijedloga Komisije, Zaključka Općinske načelnice i ugovora o realizaciji, putem nadležne Službe.“

„ff) **Transfer sredstava za finansiranje udruženja od posebnog javnog interesa i društvenog značaja za podršku oboljelima od teških bolesti i ranjivim skupinama** - Sredstva će se realizovati na osnovu Pravilnika donesenog od strane Općinske načelnice, putem javnog poziva, prijedloga Komisije, Zaključka Općinske načelnice i ugovora o realizaciji, putem nadležne Službe.“

„gg) **Transfer za podršku obilježavanja 11. jula 1995. godine - godišnjice genocida nad Bošnjacima "Sigurne zone UN-a" Srebrenica i ukopa identifikovanih žrtava iz jula 1995. godine** - Sredstva će se realizovati na osnovu Zaključka Općinske načelnice o prihvatanju predloženog projekta, ugovora/sporazuma o realizaciji, putem nadležne Službe.“

(5) Stav (4) mijenja se i glasi:

„ (4) Sredstva utvrđena u Budžetu na ekonomskom kodu **614400** – Tekući transferi javnim preduzećima se realizuju na osnovu potpisanih ugovora/sporazuma sa JP ONSA, KJKP PARK, KJKP RAD i KJKP VIK.“

Član 3.

(Dopuna člana 17.)

(1) U članu 17. dodaje se novi stav (3), koji glasi:

„ (3) Sredstva utvrđena u Budžetu na ekonomskom kodu **615300** – Transfer za JU Međunarodni centar za djecu i omladinu NS za nabavku opreme za kvartovsko kino - Realizuje se na osnovu ugovora o dodjeli sredstava, putem nadležne službe, a u svrhu unaprijeđenja rada kvartovskog kina.“

(2) Dosadašnji st. (3) i (4) postaju st. (4) i (5).

Član 4.

(Dopuna člana 32.)

(1) U članu 32. dodaje se novi stav (4), koji glasi:

„ (4) Općinska načelnica dužna je Komisiji za budžet i finansije dostavljati mjesečne informacije o realizaciji budžeta u roku do 20 dana po isteku mjeseca za koji se daje informacija, te isti objaviti na službenoj web stranici Općine.“

(2) Dosadašnji st. (4), (5) i (6) postaju st. (5), (6) i (7).

Član 5.
(Stupanje na snagu)

Ova Odluka stupa na snagu narednog dana od dana objavljivanja u „Službenim novinama Kantona Sarajevo“.

Broj: 02OV-01-1-7617/25
Sarajevo, 31.07.2025. godine

PREDSJEDAVAJUĆI
Općinskog vijeća Novo Sarajevo

Mr. sci. Edison Pavlović

Općina Novo Sarajevo, ulica Zmaja od Bosne br. 55, centrala telefon (387 33) 492 100

Općinsko vijeće Novo Sarajevo

tel: (387 33) 492 268, fax: (387 33) 650 397, email: vijece@novosarajevo.ba

Identifikacioni broj: 4200558710008 PDV broj: 200558710008 Porezni broj: 0170333000

Depozitni račun 1411965320011288 Bosna Bank International d.d



